

**PRAYER**

- Magdasal na kayo ay maging bukas at masugid sa pagbabasa, pag-aaral, at pagsunod sa Salita ng Diyos.



**Honor God. Make Disciples.**

Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.  
 Karapatang Pag-aari © 2010 ng Every Nation Leadership Institute  
 Inilathala ng EVERY NATION PRODUCTIONS  
 P.O. Box 12229 Ortigas Center, Pasig City, Philippines

**FILIPINO**

AND  
GOD  
SAID...

## Espadang Magkabila ang Talim

## Week 2

NOTES

**CONNECT**

- Sa mga nakasulat sa Bibliya, ano ang paborito mo? Bakit mo ito gusto?
- Anong aral ang nakuha mo sa isang palabas, libro, o sa iyong pamilya na naisasabuhay mo pa rin hanggang ngayon? Paano mo ito isinasagawa?
- Kapag hindi ka sigurado sa isang desisyon, kaninong opinyon ang madalas mong hinihingi? Bakit mo pinagkakatiwalaan ang taong ito?

## WORD

### WHAT

What does the Bible say?

<sup>12</sup>Ang Salita ng Diyos ay buhay at mabisa, at mas matalas kaysa alinmang espadang magkabila ang talim. Tumatagos ito hanggang sa kaibuturan ng kaluluwa at espiritu, at sumusuot maging sa kaloob-looban ng buto. At nakikita nito pati ang mga kaisipan at nilalayon ng puso. <sup>13</sup>Walang nilalang na natatago sa Kanyang paningin. Lahat ay hubad at lantad sa paningin ng Diyos na ating pagsusulitan balang araw.

Hebreo 4:12,13

Ang Salita ng Diyos ay inihahalintulad sa isang espada na kinakailangan nating dalhing mabuti sa ating buhay Kristiyano. Bakit inilalarawan ang Salita ng Diyos bilang espada?

- **Ang Salita ng Diyos ay buhay at aktibo.**

*Ang Salita ng Diyos ay buhay at mabisa . . .*

Hebreo 4:12

Ang Salita ng Diyos ay buhay at mabisang gumagalaw sa buhay ng mga tao. Ito ay patuloy na nagbibigay buhay sa atin (Mateo 4:4; Awit 1:2,3). Papaano naiiba ang Bibliya sa ibang mga kasulatan? Papaano gumagalaw ang Salita ng Diyos sa buhay mo?

---

---

---

- **Ang Salita ng Diyos ay mas matalas pa sa kahit anong espadang magkabila ang talim.**

*. . . mas matalas kaysa alinmang espadang magkabila ang talim. Tumatagos ito hanggang sa kaibuturan ng kaluluwa at espiritu, at sumusuot maging sa kaloob-looban ng buto.*

Hebreo 4:12

Tulad ng kutsilyong ginagamit ng doktor sa pag-oopera, mabisa at matalas ang Salita ng Diyos sa pagsiyasat sa atin at sa pagputol ng mga dapat putulin at pag-iwan sa mga dapat matira sa ating buhay. Magbigay ng halimbawa ng mga natanggal na sa iyo ng basahin mo ang Salita ng Diyos.

---

---

---

- **Ang Salita ng Diyos ay humuhusga sa ating mga puso at nagbabago sa atin.**

<sup>12</sup>. . . At nakikita nito pati ang mga kaisipan at nilalayon ng puso. <sup>13</sup>Walang nilalang na natatago sa Kanyang paningin. Lahat ay hubad at lantad sa paningin ng Diyos na ating pagsusulitan balang araw.

Hebreo 4:12,13

Ang Salita ng Diyos ang sumisiyasat sa ating mga buhay at puso, kung ano man ang nasa kaloob-looban nito. Nauangkat nito ang mga natatagong detalye ng ating isipan at damdamin. Habang madalas tayong nagbabasa ng Bibliya, mas makikilala natin ang Diyos at nagiging bukas tayo sa mga pagbabago sa ating buhay (Juan 17:17). Papaano tayo natutulungang magbago sa ating pagbabasa ng Bibliya?

---

---

---

### SO WHAT

What is the relevance of the Word to my life?

- Papaano naaapektuhan ng Salita ng Diyos ang buhay mo ngayon?
- Sa iyong pagbabasa ng Bibliya, anong bahagi ng iyong buhay ang gusto mong makitaan ng pagbabago?
- Anong katangian o pag-uugali ang gusto mong lumago sa iyong buhay?

### NOW WHAT

How do I apply the Word to my life?

- Anong pangako sa Bibliya ang pupwede mong panghawakan para sa pinagdadaan mo ngayon? Papaano mo binabalak na isabuhay ang Salita ng Diyos ngayon?
- Sa mga susunod na araw, papaano mo gagamitin ang Bibliya upang matulungan ang mga nangangailan ng gabay sa mga nangyayari sa kanilang buhay?
- Ano ang pupwede mong gawin ngayon upang maging laging bukas ang puso mo sa paggalaw ng Salita ng Diyos sa iyong buhay? Papaano mo maeengganyo ang iba upang mamuhay rin ayon sa Bibliya?